

草庐吴文正公全集

華君吳文正公全集

草廬吳文正公集卷之三十九

墓誌銘

有元徵事郎翰林編修劉君墓誌銘

嗚呼自謙遽去予而歿矣夫悲哉予在禁林自謙爲屬  
南還之日遠餞出通州明年將肯而至澄老病弗克奉  
詔遂別予去未復使命以疾卒于家嗚呼悲哉卒之後  
一年其孤埜觸暑走六百里來求銘曰將以今年十月  
某日塋里之江井山嗚呼悲哉自謙姓劉氏光其名也  
信上饒葛源人其先世初由彭城徙玉山火橫塘後家  
葛源王考諱養浩宋太學進士廸功郎寧國府教授考

諱安國朝將仕佐郎湖廣等處儒學副提舉其在南雄  
路儒學正既滿遊前翰林承旨姚公之門勅授瓊州安  
撫司儒學教授待次辟中書省斷事官屬吏扈蹕上京  
分按諸郡疑刑濫獄之久悉白于長決遣無滯中書委  
催海運不旬口萬艘集民食日給父憂解職服闋之瓊  
以詩書禮義化荒服之民廣帥受詔捕賊檄參軍謀固  
受帥入賊境無可與議驛邀請不得已募百餘兵詣師  
壘畫計殄其渠魁活脇從之衆萬數自瓊歸劄白石書  
院祠朱文公而黃文肅公配以王考建事文肅故也分  
田贍養學徒省爲設額行省爲差官以教公朝復加旌

表焉掾江西行省數月不合不留選授將仕郎寶慶路  
總管府知事未赴徵補集賢掾史繼陞徵事郎翰林國  
史院編修官凡所選述辭采蔚然可觀泰定三年馳驛  
造吾廬四年還家拜墓以追榮考妣之命告于廟考贈  
徵事郎江浙等處行中書省檢校官妣方氏贈宜人趨  
杭起鄧侍講文原忽得疾再還家事醫藥八月浙省遣  
使聘充考試官方疾見使者疾革不果行是月七日終  
享年五十二九月計達京師孤塋哭幾絕卽日棄官奔  
喪朝之聞人數十會哭僧舍爲文小奠平居賙施者乞  
救恤死喪銷釋怨爭熏爲良善可以範俗可以經世自

少有志氣有才畧小試於用皆所優爲種學績文循循  
儒行規矩中允矣其有猷有守也而用止於斯壽正於  
斯嗚呼悲哉娶楊氏封宜人子男二埜中衛親軍都指  
揮使司蒙古字學教授圻國子生女一孫男一予之長  
子文與自謙同年生次子京客都城恭自謙猶兄今則  
已矣而予爲銘其墓嗚呼悲哉銘曰  
生才若茲不使有爲天平何其予之銘之不足於辭而  
有餘悲

故承直郎崇仁縣尹胡侯墓誌銘

崇仁壯縣也數十年字民之官率未能大慰其民之心

徃徃觖望近歲有簿斯邑者言曰崇仁之民有幸非久  
有賢令至問爲誰則以胡侯對道侯之美畧舉大槩聞  
者皆喜逾年予客外而侯至官比予還家則侯在官將  
再期矣入境問政而民之所稱加於前之所聞于時侯  
以病在假然未嘗湏臾忘其民也病小間卽出視事其  
病而在假也民俵俵若無所依其出而視事也民欣欣  
若有所獲越数月始及一識察言觀色以證民之所稱  
猶信又数月侯之病竟不起不間邇遐哀傷痛切若失  
其父母侯之得此於民豈偶然哉其孤奉侯之喪歸葬  
以翰林待制虞集所輯事狀來請銘予夙聞侯爲銅陵

世家既閱狀復稽荆國王文公集所載侯之七世祖諱  
舜元嘉祐四年進士官至著作佐郎少從王文公游公  
爲誌其父墓著作之孫諱棣建炎二年進士官至朝散  
大夫兵部郎官於侯爲五世祖兵部之元孫諱元一宋  
末太學進士皇元贈承務郎侯之考也鄉先生阮翁竒  
其才而妻以女侯之母也侯自幼能文章有智畧舅氏  
復以女女焉至元乙酉舅氏爲建德守入覲侯以甥從  
襲恩得仕一再授縣主簿寧國路之南陵建德路之淳  
安也一再授州判官嘉興路之崇德徽州之婺源也遷  
龍興靖安縣尹由靖安而尹崇仁其在南陵也有妖巫



惑神恠以惑衆雖長吏亦共恭信侯逮詰卽首服受笞  
而去其妖遂息其在崇德也有詐稱降香使臣所過迎  
接護送莫敢誰何侯獨疑其僞執而訊之果然縛送于  
府宜撫奉使坐以法而嘉侯之明敏婺源州距總府數  
百里山路峻險轉輸莫可賦粟每歲留州忽有令詣府  
送納州民震怖官畏上令之嚴不敢以請侯白上府陳  
利害府不能奪侯議民得免詣府倉感悅如更生婺源  
廟有燈油田掌事者侵盜訟久不決侯言供神祠無益  
之費孰若爲國家養有用之才監察御史是其言以其  
田畀州學其宰靖安也驗戶籍高下以次受役不容毫

髮偏頗民糧不知主名歲責役戶代輸侯寃詰所起竟  
得其人而役戶無代輸之苦入戶產去稅存一一覈寔  
歸于得田之家酒課額有定而民之貧富無常貧或數  
贏富或數縮侯爲均派隨糧數之多寡定課數貧民大  
便土兵害民縣不敢問侯捕治如法兵始斂戢其治崇  
仁也如靖安而尤整暇訟牒至庭訊其情僞曲者辭窮  
而退直者旋爲剖析事不凝滯浸浸簡靜庭無爭辯之  
聲鄉無徵呼之跡惟日與名士講學論文而已胥徒改  
營他業者十五六或障大溪之流以擅機舂之利舟往  
來輒礙告之官而官不理一日侯過其所適值群小逞

克阻止毋侯命左右捽拽至前進父老問曰此處舊有  
陂乎曰無有灌田多乎曰不多陂之高低與隣陂等乎  
曰此獨高曰然則非水利也徒阻舟爾目左右曰毀之  
行客居民爭先除析薪蔭蔽水下頃刻而盡懽聲動地  
行事快人情多類此前時經理民田有司奉行失旨意  
民大擾因重加其賦至是徵包銀錢不遣一卒令民自  
推擇事末利而贍者乃與徵晏然無動搖以病告致仕  
于府僚友徇民之欲不上其狀詔書命臺察舉守令僉  
曰孰有如吾侯者乎豈料終於官而弗及應時需也哉  
至治辛酉四月十六日終年僅六十侯諱愿字柏恭仕

南陵時承務君小居宣城侯請以銅陵田園悉與守墳墓昆弟承務君歿事太夫人孝謹常就養子官及太夫人春秋高難以遠適既受崇仁之命欲留侍不往太夫人再三諭遣乃不敢違弟懋致養于家侯得惠志官政以有弟也子立淳謹肯學未嘗于與公務一家孝友出乎天性府表其里朝旌其門蓋不虛美云侯之歿虞集同邑尉熊景晨夕顧視經紀其喪事某月某日侯之喪至宣城某月某日墓某源予亦崇仁一民也故述邑民哀思之情而爲侯銘銘曰

吏治軒軒名矣無聞天惠崇仁錫此令君四野耕耘三

載一春遽棄吾民曾不逡巡侯來民訴侯逝民輦贏稅  
靡因孰恩孰勤極目蒿焄江東莫雲千古松筠循吏之  
墳  
故千戶黃府君墓誌銘

黃氏之先邵武人也廸功郎諱忠者來家江西之清江  
鎮配楊氏以進義副尉諱憲者爲子進義君配甘氏子  
二人其仲千戶府君也府君諱遵字正道生寶祐甲寅  
十一月壬戌孝友敏悟根于天質一時名卿鉅公咸矚  
異之長遊淮堧值至元革命受知元帥府用爲管軍千  
戶辭以親老歸未幾遘父喪致哀如禮兄弟繼歿悲戚

愈深奉母撫孤內外雍睦有前代義門遺風一新居宅  
翰林承旨程公爲扁曰後山堂蓋進義君嘗以蒼山自  
號示不忘先志也母年八十蒙恩賜帛里中高年婦會  
宴稱壽遠邇歎羨以爲希有母病養不離側及喪致客  
數郡年幾六十孺慕如小市失火延燎幾逮躬撫母柩  
泣拜籲天俄而風止火息隣居免毀並推孝感之功哀  
毀成疾數年頗瘳皇慶癸丑秋復作彌劇一日止藥弗  
進語諸子曰修短有數汝輩友恭克世先業吾死奚憾  
言畢而逝八月甲戌也娶熊氏生子一曰子鍾先二十  
年卒再娶喻氏生一男一女孫女二俱幼兄珪一子曰

莘弟浩無子鍾繼其後延祐丁巳十二月丁酉葬富州  
會昌鄉之楊原先期鍾造門將期兄之命以岳州路平  
江州判官皮潛狀來徵銘余謂范蠡英傑也其智足以  
霸越棄卿相如脫屣豈區區勢利所能浼然一居於陶  
則匪直變易姓名而已并與生平識慮俱變易而用之  
於小是何也其居使之然也清江鎮大江以南之陶也  
居其間者鮮不惟趨時計贏是務獨府君莊重閒雅儼  
然賢大夫之儀對客清談泠泠如壺冰盤露蟬蛻埃壻  
之表以詩書禮義淑後三世同財而無間言父無恙時  
譽望亦籍籍嗣之而興益以光昭居斯地也而有斯人

乎斯古所謂不隨流俗者府君有焉非特余知之也風  
憲清流外服之官暨中朝之使苟賢且明者每見每聞  
莫不嘉敬而惜其不獲用於時是果何以得此於人也  
狀稱府君剛介自立不輕與人交事上接下各得其當  
樂施與振流落不以爲恩或受累不以爲怨而爲善益  
不倦蓋撫其實云銘曰

昔銘其母今銘其子一賢一孝世世視效

故平山舒府君墓誌銘

舒以國爲氏自江北徙江南家洪之靖安爲著族府君  
諱公平字廉夫其高祖邦佐宋淳熙八年進士任衡州



錄事參軍受知連帥朱文公未老以疾致仕官至通直  
生四子其二選君之曾祖也生三子其長鄉貢進士嚙  
君之祖也貢士亦三子其三鏐君之父也君資識警敏  
意氣爽邁幼年值家中衰從親往依外氏刻勵奮發期  
於立身興家從其舅學進士詩賦馳聲應舉至再不利  
貴富家競延至爲子弟師一統之後君之父像故土遂  
奉二親以歸收拾餘燼治財殖產日以饒裕竭力甘旨  
先意承顏父喪哀毀廬墓厠服喪母時年幾六十如喪  
其父携弟就學迄成人不更他師從祖兄瑞昌縣尹贊  
富無嗣爲之立後匡翼其家始終弗渝有族人貧困教